



GRAO EN TRABALLO SOCIAL

PREINSCRICIÓN NO PRACTICUM - CURSO 2026/2027

Segundo cuadrimestre

Condições para realizar a preinscrición

A Memoria do Plan de Estudos do Grao en Traballo Social establece que é requisito indispensable para matricularse no Practicum, e polo tanto para facer a preinscrición, ter superados 150 créditos básicos e obrigatorios. Entre estes, todos os correspondentes á primeira metade da titulación, é dicir, todas as materias de 1º e 2º curso.

Por outra parte, recoméndase, ademais que se teñan cursadas as seguintes materias de 3º e 4º curso:

- Servizos sociais especializados
- Traballo social con individuos e familias
- Soportes documentais e xestión da información en traballo social
- Deseño e avaliación de proxectos de intervención social
- Medidas de protección social
- Xestión e planificación de servizos sociais
- Xestión de organizacións

1.- Período temporal de realización das prácticas e duración das mesmas:

- Preparación Practicum na EUTS: **o día 25 de xaneiro de 2027 ás 10:30 h na Aula 3**
- Prácticas na institución: **do 1 de febreiro ao 21 de maio de 2027** (450 horas de prácticas na institución o que supón unha media diaria de 6,5 horas)

2.- **Criterios de selección:** A asignación da praza efectuarase en virtude da puntuación obtida pola suma dos seguintes criterios:

- Lugar de residencia do/a estudante ou situación asimilada¹, a estimar pola Comisión de Título de Grao: **10 puntos**
- Nota media simple do expediente académico (ata un máximo de **10 puntos**)
- **Ter aprobada** a materia optativa vinculada ao campo de prácticas solicitado, sempre e cando proceda: **1 punto**
(No caso de que dous/dúas estudantes obteñan a mesma puntuación, a praza de prácticas asignarase ao/á que teña maior nota na materia optativa vinculada)

NOTA: algunhas entidades teñen establecido que o estudantado que queira realizar prácticas, ten que pasar unha entrevista previa. Na oferta de prazas está indicado isto nos centros que o teñen establecido.

Algunhas entidades teñen un horario “especial” (quendas de tarde, fins de semana, número de horas de presenza ao día superior á media, etc.). Estas situacións indicaranse ao pe de páxina na oferta pública de prazas.

3.- **Órgano encargado da asignación de prazas:** Comisión de Título de Grao en Traballo Social

4.- **Órgano ou persoa responsable na entidade colaboradora:** Traballador/a social do servizo e/ou Departamento de Servizos Sociais da entidade

5.- **Persoa responsable na Escola:** Coordinadora do Practicum: M^a Elena Puñal Romarís

6.- Documentación a presentar:

- Solicitud no modelo específico establecido polo centro no que figure o NUSS (Nº afiliación á Seguridade Social do/a estudante)
- Expediente actualizado (descargado da Secretaría Virtual da USC) no que conste a **NOTA MEDIA**
- Certificado de Delitos Sexuais
- Ficha do/a estudante en modelo específico a descargar na web

¹ Considéranse situacións asimiladas á residencia aquelas que por motivo de traballo, incompatibilidades establecidas pola Escola (relación de parentesco con persoas do servizo ou que o/a estudante ou algún membro da súa familia sexa usuario do mesmo), ou insuficiente número de prazas no seu lugar de residencia, e calquera outra circunstancia que, a criterio da Comisión de Título, xustifique a asignación de prácticas noutro lugar distinto ao de residencia.



Para acreditar os criterios do apartado 1 é necesario entregar a documentación que se relaciona, en cada caso:

➤ Para acreditar o lugar de residencia:

Considerarase lugar de residencia o que conste na documentación de matrícula do curso anterior ao que se solicita a asignación de prácticas. A Comisión de Título, poderá requirir posteriormente, certificado de empadramento nos casos que se valore oportuno verificar o mesmo. Neste caso, no certificado ten que constar o empadramento nos dous anos anteriores á solicitude de praza no Practicum.

➤ Para acreditar situación asimilada:

- Por motivo laboral: contrato de traballo selado pola Oficina de Emprego ou certificado de alta na Seguridade Social.
- Por incompatibilidades establecidas pola EUTS: declaración responsable, no modelo dispoñible na web.

7.- **Prácticas en Servizos Sociais Comunitarios:** O estudantado asignado a prazas nos servizos sociais comunitarios de Concellos de Galicia, ten que acudir as sesións do SIUSS que se impartirán **no mes de decembro**, dentro da materia optativa “Tecnoloxía da Información e a Comunicación en Traballo Social”. As datas exactas publicaranse oportunamente.

8.- **Prazo de solicitude:** **do 21 ao 24 de setembro de 2026**. A presentación da solicitude de asignación de praza de prácticas supón a aceptación por parte do/a estudante, das condicións que se establecen na presente convocatoria.

9.- **Lugar de presentación:** só poderá entregarse presencialmente na secretaría da EUTS (salvo causa de forza maior previo aviso e autorización desde o centro, enviando correo a practicum@euts.es e xustificando a situación).

10.- **Publicación da listaxe provisoria de asignación de prazas:** **8 de outubro de 2026**.

Unha vez publicada a listaxe, abrirase un prazo para presentar reclamacións do 9 ao 19 de outubro de 2026.

11.- **Publicación da listaxe definitiva:** **28 de outubro de 2026**

Unha vez publicada a listaxe definitiva, o estudantado ten que entregar a “**Declaración de parentesco**” en relación ao centro asignado.

12.- **Prazo de matrícula:**

- Na USC: Do 1 de xullo ao 11 de setembro de 2026
- Na EUTS Do 1 ao 23 de xullo e/ou do 1 ao 11 de setembro de 2026

13.- **Perda do dereito á realización das prácticas:** Un/ha estudante poderá perder o dereito á realización das prácticas no centro asignado, por algún dos seguintes motivos:

- Non incorporarse na data acordada e/ou incumprir o horario previsto.
- Incumprir ou non respectar o sistema organizativo da entidade.
- Baixo grao de aproveitamento da aprendizaxe.
- Non gardar o debido sexilo respecto dos asuntos que coñeza no desenvolvemento da práctica.
- Falta de asistencia non xustificada.
- Interferencia co desenvolvemento do traballo do centro.
- Causar intencionadamente danos a persoas, instalación e/ou bens durante a realización das prácticas.
- Calquera outro acto, comportamento ou actuación de gravidade.

14.- **Xustificación de faltas de asistencia as prácticas:** É imprescindible xustificar a falta de asistencia tanto no centro de prácticas como na Escola. Na EUTS, nos termos establecidos pola mesma a tal fin (envío do impreso específico e xustificante dos motivos alegados á Secretaria de Centro, profesora M^a Jesús Castro), e na entidade de prácticas entregando a documentación que esta lle solicite.

Santiago de Compostela, de 29 de xullo de 2026